

## Te Paremata.

TE WAHI I PA MAI AI KI TE IWI MAORI.

Na Hon. A. T. Ngata, M.A., L.L.B., M.P.

### NGA MEMA MAORI O TE WHARE O RARO.

No te tau 1867 ka hangaia te ture kia ahei te Iwi Maori ki te pooti i etahi mema tokowha, hei mangai mo ratau ki te Whare o Raro. No te 6 o nga ra o Mei, 1868, ka uru te tokowha tuatahi o tena tatai, ara, ko :—

Frederick Nene Russell	mo te Tai-tokerau.
Mete Kingi Paetahi	mo te Tai-hauauru
Tareha te Moananui	mo te Tai-rawhiti
John Patterson	mo te Waipounamu

E toru ano nga tau i noho ai ratau i te Paremata a no te pootitanga tuarua ka uru mai he mema hou katoa. Ko te rarangi tenei o nga Mema Maori o te Whare o Raro o ia rohe, o ia rohe, mai o mua a tae noa mai ki tenei wa.

### NGA MEMA O TE TAI-TOKERAU.

Frederick Nene Russell—6 Mei, 1868, ki ie 30 Tihema, 1870; Wiremu Katene—7 Maehe, 1871, ki te 6 Tihema, 1875; Hori Karaka Tawiti—27 Hanuere, 1876, ki te 15 Akuhata, 1879; Hone Mohi Tawhai—24 Hepe-tema, 1879, ki te 27 Hune, 1884; Ihaka Hakuene—6 Akuhata, 1884, ki te 6 Aperira, 1887; Hirini Taiwhanga—21 Oketopa, 1887, ki te 6 Hanuere, 1891; Eparaima te Mutu Kapa, 21 Pepuere, 1891, 8 Noema, 1893; Hone Heke—11 Hanuere 1894, ki te 9 Pepuere 1909; P. H. Te Rangihiroa—20 Maehe, 1909, ki Noema, 1914; Tau Henare—11 Tihema, 1914, ki tenei wa.

I mate a Hone Heke i muri tata iho i te pooti i te tau 1908, kua tu ke ia i taua pootitanga. No tona matenga ka whakaingoatia ko Te Rangihiroa. O nga mema o te Tai-tokerau ko nga mea i tutuki ki te Ropu Kaunihera a te Kawana ko Wiremu Katene, ko Hori Karaka Tawiti, ko Te Rangihiroa.